

Pidgin Hawaiian Aloha Today

Dis da collecta issue...

Da Kine, howzit?

Choke people wanted for know wasssup back in the 'aina so we going geev'em to you all local style, pidgin out, hahahahhah! If you no undastand wot we talking about, try for speak'em out cuz that going make it easier for you to see wat we wen mean. if you STILL no undastan, nevahmind! Try ask one REAL local from Hawaii for read'em to you and translate'em.

In dis issue, you going find info about some of da bigga news in da 50th state as well any odda news that going be about us locals stuck on DA BIG rock up hea in da mainland, There going be some stale jokes local style that only going be funny if you stay all busss-up! brah, you get funnier jokes or special news, try send'em dis way at info@AlohaWorks.com, if you get ono or bum-bu-cha news, it goin' on dah next one garans.

Now, we going give our mahalos to Akua up above for all the blessing He wen geeve us, you too brah, you just gotta ask da man!

Da Staff ova heah



Talkin small kine 'bout Football..

Da bows, uh, i mean, da warriors stay recruiting already, and da bad boy dis yeea is Jason Taylor, the scoop's dat he going stay home and try play foah us.... But da defense coach, da buggah Kevin Lempa, he going coach whea Doug Flutie wen play, Boston College i tink. it's alright, no worries, it's not like our defense can stop anybody now anyways, maybe one of the odda defense coach go move up....and da buzz stay that June Jones going back up to the big boys league- da NFL, wot he wen do with da bows is one ichiban job, sheeze no wonda da NFL stay sniffing him out!

Da Nurse Strike Stay Pau.

So, what else is new, Hawaii seems to have one strike or anodda all the time.

Hawaii get one new governah

Kinda old new already, but STILL, da chick is da FIRST wahine governor of Hawaii nei, and da first republican in ovah 40 yeeahs deah. we goin' check her out and see what she going do, but we figgga it not going be much cause the democrats stay controlling da rest of da State li'dat. but can still hope eh, that she going pull Hawaii out of the dumps!

Das about it for da news, the usual recession and no jobs back in Hawaii is still da same!

AlohaWorks

Full color Hawaiian style Business cards
Island Style Banners & Signs
Custom Tshirts for your business



www.AlohaWorks.com

Pidgin Hawaiian Aloha Today

Dis da collecta issue...


Da Soundz and Jams from Hawaii.

Ho! Hawaii's always get choke talents but they too da kine, humble li'dat. But Whenever they finally get chance for make'em beeeig, chance'em and go fo'broke, da music is sweeeeet, so here's a couple of new CDs that's making some waves back home.



Ho'okani - Cruizin with da Boyz

gimme 'uke action, one guy that sings or kara-oke kinda good, one phat baseline, i'd be happy, brah! i tell you, Ho'okani's da band cuz they get da guy wit de fingas, one guy that can blow, and deir olda bruddah wen produced dis new band and da sound stay clean. Plus, they wen rite deir own kine songs two, tale-lent-ted, dunno if they stay highmakamai but no matter cuz their music make cruzin' fun.



Apela - My Hula Baby

In da traditonal that is Da Hui Ohana, This kane goes, i mean, he can hit them high notes, just like da late Uncle Dennis Pavao, Apela even wen sing Uncle Joe Keawe's favorite song "GOD BLESS MY DADDY", he also wen sing the falsetto classic "MY YELLOW GINGER LEIS", you see, Falsetto stay da real hawaiian tradition music, any tutu would tell you dat, cus that's what they used to kanikapila to back in the days. of cors, dem Primo brew stay flowing too to make da party more nuts. Anyways, i stay off cors, chance'em, Apela's Solid

Try learn Pidgin hea,

Brah, kinda hadt for teach you pidgin when dis stay written in da kine, but we go try. Da numba one kind word you should learn is

DA KINE

I not talking about the brand da kine, but DA KINE, basically, DA KINE means What-you-might-call-it in English, so as long as you stay con-sen-trad-ded on wot da odda guy talking about, you going know wot DA KINE means in da sentance, so i go geeve u some samples li'dat..

Let's say you hungry, and you and your friends always go to one fastfood joint at your town that serves ono kaukau, so you would say to da braddah, "ay, i stay hungry, we go da kine for eat" and if you stay da same page as your braddah, you going know where for eat!

or let's say you like go watch one movie, and da

Got Hawaiian Jewelry

14k Hawaiian Ring with your Name starts at \$148, Silver starts at \$58



**Come visit Hawaii's store in Vegas
2439 S. Valley View #130 , 320-6376**

theata stay next to one McDs in one mall, you can say "eh, i like catch da new J Lo movie ovah at da kine, you know, da one next to McDs ovah at da mall"

get'em or wot?

if not, go ass one local from da kine, cus they go geeve you da full deal on wot for say and how for say'em, and oh, just four let you know, no use DA KINE word too lightly, bunbuy, you might get da kine lickings from one local bradda cuz u wen insult them! till next letta....latas kuz

Pidgin Hawaiian Aloha Today

Dis da collecta issue...

Da New stuffs dat stay ovah at da Hawaii's store in Vegas.

Locals to da max stoa, ovah 4 yeeeahs in vegas, u can find all kine stuffs from da islands, from da Hawaiian jewelry, seatcovas, all kine hawaiian print aloha shirts, muumuus, keiki clothing, stikas and decals 4 your cah, choke CDs, da best selection cause they get sample 4 you to check'em out so you know if da CD stink or wot. they get da real kine hawaiian fabric so you can go make da pillows or whatevahs. anyways, da HAWAII's store in Vegas is da MOST authentic local polynesian stora in vegas evah! And widdout dem, you wouldn't be da kine, reading dis free letta, trying for learn or keep up wid da local hawaiian culcha. So here da new stuffs da HAWAII's store wen get in..

- New Mana Built and Bad Boys Built Tshirts, killa 3D looking kine ikaika man, mean da buggah, and git in long sleeves 2

- New Hawaiian Scroll designs for your Hawaiian jewelry, now, you can choose from ovah 50 unique designs 4 your custom jewelry, da name and inside engraving always stay kokua, free li'dat, no letta limits, wot evah fits for the inside, and da enamel stay garans for life so they fix 4 you if your letta e wen fall out.

- Custom Hawaiian Seatcovahs, yeah, you get one Ford F-150 wit da 60 and 40 split bench? we do'em now, bench for your truck, we do'em, 3 rows of seats, we do'em, come check out da prints available and be cruzin' island style in couple of weeks!

-New Bloodline Tshirts, dats da new hot label back in hawaii, Some have it, some don't, that about covahs the hole shirt!

store located: 2439 S.Valley View,
(Corner Sahara / Valley View
(702) 320-6376

Da Joke of da kine,

dis NOT politically correct kine jokes, if you like dat, go watch da reruns of I love Lucy, so if you get offended easy, NO READ'EM, oddawise, we hope you crack up, and if you get funnykine jokes, send'em to us ovah at jokes@AlohaWorks.com

I Stay Stranded

Deahs dis tree sailor that wen get lost in their manini canoe and they got stuck at one ilan somewea, dea one pake, one bookbook, and one portagee, one day, they wen looking for kaukau and wen fine one tincan, da pake tink dis hidden treasure and he going be rich so he wen try for clean'em up & rub da buggah, WHOOSH, da mahoo genie wen come out and say "ay, thankx'eh for letting me out, i wen try fo'long time, but you know, after i wen have "da operation" to become one real Genie wid no stick in mah surfshots, my powa seems da kine, not as strong, but eh, nevah mind, i go give each one of you one wish now for freeing me, so pake, U first!" Da chinaman tink, oh, kungheefatchoi! And he wen ask da mahoo "oh, i like be in mah own mansion ovah in hawaii kai with tree million dollas in mah bank of hawaii account!" "WHOOOSH" da pake wen dissapeeee, Da genie wen as da bookbook pilapino what he like, he wen say "oh i like be one mobile karaoke DJ with mah own truck ovah in Waipahu cuz i like party" "WHOOOSH" he wen too. Da genie wen as da portagee guy "gimme your wish, i nevah go lua long time, so hurry up and i odha hea" da Portagee guy wen say to himself "brah, kinda lonely ovah hea cause no boby for talk wid, i wish mah 2 braddahs were here wid me" "WHOOOSH" they back!

hahahahaha, Whopyourjaws!

got a good joke, send it: jokes@AlohaWorks.com



Aloha2go Radio

Free New Island Music Sampler, the Longest Running Polynesian Jam Session in Nevada, over 4 years now, showcasing the BEST of New Island music. check it

www.Aloha2go.com/radioshow



HAWAII'S Store in Vegas?

From Real Hawaiian Leis, to REAL Aloha wears, CDs, Decals, Fabric and MORE..all LOCAL Style to da MAX

**If
Hawaii's
don't have it
NO ONE will**

